



07222

施愚山先生別集卷之三

矩齋雜記

達人高致

倪雲林幼師鞏昌王仁輔字文友老論無平奉養以終
其身歿為之制服執喪葬於錫山之陽不計所費倪負
意氣不輕交足跡不涉貴人之門及有某官遊其鄉客
死不能歸葬竟割山地以安厝焉初未識面倪家貲甚
饒一旦舍去曰天下多事矣吾將遠遊以玩世自是往
來五湖間人望之若仙云嘗鬻田產得錢千百緡會張
伯雨至念其貧老相對惻然推與不留一緡

吹簫客

愚山先生別集

卷之三

矩齋雜記

一

吳匏菴寬赤壁詩云西飛孤鶴記何詳有客吹簫楊世
昌當日賦成誰與注數行石刻舊曾藏世昌縣竹進士
與坡公同遊赤壁吹洞簫坡賦不載姓名匏菴見石刻
為表出之後賦所謂二客不能從者亦並不載古人作
詩文多如此類今人便不堪矣

孫汝權

傳奇荆釵記醜詆孫汝權按汝權宋名進士有文集尚
氣誼王梅溪先生好友也梅溪劾史浩八罪汝權慙
之史氏切齒故入傳奇謬其事以污之温州周天錫字
懋寵嘗辨其誣見竹懶新著

董陳二公

董尙書思白陳徵君眉公以詞翰相推重董年八十五
臨歿索婦人紅衫絳襦爲服陳年八十三將逝之前辟
穀數日盛爲詩歌以書別親友仍題一聯云啟予足啟
予手八十年臨深履薄不怨天不尤人千百世魚躍鳶
飛擲筆而終陳卧子少時眉公極獎許而卧子不甚服
晚乃心折爲作徵君誄

物性

蹲鴟蒙林糠而爛柑橘近酒罈而腐烏柏之木以炊籠
蒸則勃發文杏之材以熟醪醴則臧薄物理相畏不可
解

豬腍渡江

愚山先生別集

卷之三

矩齋雜記

二一

太宗以北兵渡淮無一葦之航有人取囊中乾豬腍十
餘內氣其中環繫腰間迥而南徑奪舟以濟北軍豬腍
蓋預備者遠遊之人蓄之可濟急

犬牛二事

成化間一富商寓齊化門外僧舍丐施金許之而未發
也僧利其貴重寺又荒寂夜約徒衆先殺其二僕絞商
死埋寺後坎中實之以土貲悉歸僧越二日有貴官偶
過其寺犬鳴嗥不已逐之去復來官心動命人隨犬所
徃犬至坎所爪地悲嗥官使發之屍見商猶作呻吟聲
灌之湯少頃能言遂聞於朝盡捕其僧伏法是歲例當
度僧因是而止見紀錄彙編

劉景亨在淮陰見一人屠牛而亡其刀蓋其犢啣匿草間也既覓得之犢復啣刀奔而泣一僧憐之贖其母子且圖其狀傳於世余分守湖西厲禁宰牛有泰和屠者某專殺牛利凡盜牛者悉歸之而結兵爲翼衆莫敢發一日將殺牝牛之有脈者所歡豪某夜夢黃衣人繫纍泣告曰分固當死憐我腹中兒丐公爲言寬旬日兒產死無恨豪度必牛也亟起往視之果繫牝牛豪因罵曰吾庇汝良多今獨爲丐此牛具告之夢屠強諾已怒曰蠢爾牛敢藉豪搯我吮益痛加椎擊殺之豪乃大恚告邑令顯孫佐聖捕杖數十荷校死衆皆稱快

孝象

愚山先生別集

卷之三

姪齋雜記

三

劉時用言見一老象將死其子取草飼之已不能食則運鼻周拭其身雙淚如雨及母死子亦泣躍而仆

廩增附生數

舊制學校生員廩膳有額增廣無額故名之增廣其亦有額也自宣德四年始至景泰元年照舊無額後成化三年又定額京師語曰和尚普度秀才拘數禮部姚夔顛倒錯誤不得已附學之名立焉

陳九龍山人語

名光庭字履祥羅近溪先生高弟

世學者漫以治生小事畧過予以此處不理非經濟實學也貨殖傳吾愛其二言曰本富爲上末富次之不自料理而望人周恤非計也嘗爲說曰富貴人如老蠶作

爾貧賤人如乳燕待哺均爲豪木所耻

一友問三教同乎曰同何以同一味度人處同然則無異曰異各樣度人處異然則何以兼三教曰何必兼孔子之集大成不兼之兼矣何也老家度人聚精烝神養出嬰兒自往自來生天生地然而萬物皆做焉有不死之理佛家度人去貪嗔痴脫却皮囊來空去空了天了地然而萬物皆我焉有逃空之處惟吾孔子之教君君臣臣父父子子夫夫婦婦各安其分率其性古往今來無斷續卽此長生間往間來無粘着卽此真空此二氏之所以羽翼吾儒吾儒何必袒彼教哉

愚山先生別集

卷之三

知齋雜記

四

夫子之不厭矣今世從形迹上學夫形跡聖人之蘧廬也可以一宿不可以久處所以致厭聖人獨從天地生機處學自生生不已曰曰此生機時時此生機歲歲此生機不知老之將至安得厭守身若處子作事如武夫處子一失身則終身黜汚武夫一退步則爲人俘虜問時乘六龍以御天何如曰試讀鄉黨一章分明畫出吾人火爐頭床鋪上便是對越上帝之地堯舜此一着甚有以二女可同居萬幾不足理

三友

薛次公名甲字應登號畏齋江陰人官江西贛州副使嘗言平生受益者三友一曰貧二曰病三曰患難貧故

知節用病故知保身患難故知處世學者未有不由此而能有成者也

龍潭老人

陳海雍號龍潭老人隱居善易吳康齋嘗語陳白沙過清江訪之至則箕筮躬耕信宿其家大析疑義白沙歎服而去龍潭謂子弟曰康齋非愛我者迹其爲人可謂遁世不投之潛龍矣予求其後裔不可得近見鄧孝廉苑報書曰海雍新喻人有龍潭老人集年百餘歲尸解子孫不可考墓在峽江東岸玉笥山傍書不知所在予聞之嗟異檄郡祀之鄉賢祠

古人扇札稱謂

愚山先生別集

卷之三

矩齋雜記

五

孟昉家藏山谷墨跡七言古字畫道勁末書黃庭堅魯直奉答周彥皆稱字穎瀆手札與泰和魯司法情詞溫厚中間稱歐陽文忠曾子固皆一直接寫只書尾提起寫司法魯君足下某再拜古人詩札稱謂不煩如此予又見前輩布衣王鶴書贈沈修撰稱君典詞兄自署海樵山人而不名又君典書扇多無款識或止稱其字或稱某君鄉丈雅丈末署君典二字董宗伯書畫亦有止書玄宰思翁者今一味尊稱煩碎不一而足市井厮役且以親翁詞丈等字爲鄙薄矣

方正學語

舟中偶讀方遜志先生序王華州文集曰天下之物天

皆易與惟斯文不易與人幸而與之必困辱其身心抑
鬱其神志其終身逸樂榮盛而無虞者至鮮也味此言
可消才人驕矜怨望之念又曰天之於人厄於一時者
未必不耀於無窮

女類

李謙菴注云舉世皆婦人女子也從來詮者謂女類爲
屈原姊不知何據互相沿習按天上有須女星主管布
帛嫁娶人間使女謂之須女須者有急則須之謂故易
曰歸妹以須反歸以娣言須乃賤女及其歸也反以作
娣娣者居妃之次古者國君一娶九女娣姪從之後人
加女於須下猶娣姪之文本不從女後人各加女於旁
愚山先生別集卷之三 矩齋雜記 六

也漢吕后妹樊噲妻名吕類蓋古人多以賤名子女祈
其易養之意生女名須猶生男名奴耳屈所云女類明
從上文美人生端女類謂美人之下輩見美人遲暮輒
亦無端詬厲嬋媛賣弄之態也申申所詈不一辭也丈
夫不能遭時遇主建立奇功致使小輩揶揄反來攻君
子之短致敗君子逢世之策斯亦足悲矣

儉腹作文

徐巨源序石莊集云藏書數十萬卷一夕所閱十吏兼
書不能給於典故律令星歷輿圖兵農譜牒之學無不
貫穿故其出之若决江河日夜注漑而無不繼之憂今
之爲古文者少所讀多所作譬猶中人之家欲椎牛日

饗大將兵士吾知其難也

選文

海賦一篇蕭統存木玄虛而畧張融淮西片石姚鉉采
段文昌而削韓愈

鄒易齋

安福鄒賢號易齋東廓公之父也爲諸生時學使謁廟
講書有講吾與回言終日者學使者問曰論語所載止
有問仁問爲邦兩章不知更有何話說終日不休諸生
莫能應易齋前對曰顏問仁天德也問爲邦王道也天
德王道千古商量不盡何況終日使者悚然出座曰賢
所言氣象冠冕非但科第且理學可分一席後從進士
愚山先生別集卷之三 矩齋雜記 七

飼蠶

凡葉少時以白米粉摻葉上餌之絲更光白而紉又秋
葉未落時採完好者晒爲細末留置煖處蠶時遇雨葉
濕則以乾葉末摻之均其水氣兼易飽難饑省葉也

咎徵

萬歷二十三年正月江山縣民偶拾一錢四面火字相
向中皆硃色怪而卜之卜者曰發財至八月城中火焚

百餘家且蔓延無已時或以火錢事告太守岳萬階卽
索投於通明巷井中火患頓息

舒窰

宋時江西窰器出廬陵之永和市有舒翁工爲玩具翁
之女尤善號曰舒嬌其鑪甕諸色幾與哥窰等價余嘗
得一盤一盞質蒼白而光黝然以注水經月不變望之
知爲古物相傳陶工作器入窰變成玉工思事聞於上
封穴迺之饒爲業今景德鎮陶工故多永和人見吉安
太守吳炳遊記

王塘南

廬陵王塘南諱時槐官至太常卿年八十講學不勌或
愚山先生別集

卷之三

知齋雜記

八

問曰孔子七十從心不踰矩今先生八十何以進於是
公應曰學生今日方知志學

苦筍

苦筍賦云黔人冬掘苦筍味如蜜蔗出土尺餘甘苦相
半食之未嘗致病此殆山谷耐苦語也有道士戒予養
生勿嗜茶筍謂筍者損也粵閩春筍徧地貧子拾以爲
糧噉之不啻菽麥江浙產筍輒肥要須足火候向在缺
問政山噉筍最美其法先一日掘筍去皮不剖不犯鐵
置瓦釜中爛煮徹夕汁膩如油則氣溫味全乃不作耗
然後知世人皆生嚼竹根耳山陰作筍脯法相類謂之
素火腿其汁入饌彌佳名筍油

立志

董宗伯少未學書學使衷貞吉洪溪南昌人首拔其文以字劣抑置第二董遂力學卒以書名後宦成爲叢書絹素盈笥自叙其發憤以衷故也學足破愚類如此

休徵

青州臨朐縣土寇薄城至夜城中刀劍鎗鏃皆火光熒熒廐馬嘶且驚城中大患質明擊賊大破之順治十八年六月二十五日事也

前定

獻賊之破和州先一歲羣鴉蔽天哀鳴自投州前江水死園者藝萊數畝元旦後一夕蹂踐都盡視之層疊皆愚山先生別集卷之三

矩齋雜記

九

婦人履跡衆莫解後賊入屠城園中婦女千餘悉殺之獻嘗選勇銳男子數百爭先慘殺以多論賞謂之孩兒軍至是縱之四掠會獻入城隍廟神所持戟墮中其額獻怒曳神碎之未出廟而疾作叩頭哀禱久之乃已而孩兒軍適至報所殺若干獻忽揮刀盡殺之人謂孩兒軍慘悍之報云

水厄

星者范氏善推測居荻港西岸自言某月有水厄百日乃度遂獨棲關帝祠夜見一官騶從列炬入羣吏抱牘引數百人唱名畢應多范相識次及范亦有人應諾范愕然曰此吾名也誰爲我應者益慎不敢歸是歲范年

五十既九十九日明旦則生日也其子固請范歸且曰
不舟行安有水患是夕甫歸酣寢夜半蚊起岸崩果沒
於水其子以奔山得免

骰子誤人

涇川孝廉章某少勵操行以聖賢自誓既領鄉薦意稍
懈久不得第萬歷間赴公車同寓少年挾妓集飲強之
雜坐微酣少年請卜兆以骰子六紅爲花狀頭奪者得
妓章一擲得之遂不辭讓妓體毒將發逡巡中夕謂不
敢污貴人某大醉嫚罵曰若嫌我老耳新狀頭不病也
一狎而中毒勝放又不第歸至半塗瘡潰其鼻慚見故
鄉自經於逆旅人皆語曰可憐六粒骰子斷送半生道
愚山先生別集

卷之三

矩齋雜記

十

悔神像

吾邑王觀予有俊才童時讀書僧寺見廡下木像斷爛
仆地戲溺其首夜夢神怒曰汝不過舉人縣令敢爾無
禮逾五年補諸生鄉試值號舍有同庚生者吳某月日
時悉合定交闈中是歲吳中式王被放終以窮老悔艾
無及每舉以戒後生吾友黃圮公親見其言如此

狀元二字

江西舉狀元始自唐盧子發其詩云報道是龍剛不信
果然奪得錦標歸後人遂名其集爲錦標洪紫溪曰三
十年學問胸中方消磨得狀元二字羅念菴先生及第

時一親知拊背喜曰不意幹出許大事念菴赧然而赤
曰男兒頂天立地一個狀元算得甚大事是日遂裹糧
講學三公氣量較然矣

戒戲具

王塘南嘗誡子弟曰吾致仕家居至老只親書史如先
聖先賢理學圖史耽味不忘吾生平不曉圍碁雙陸投
壺抹牌賽擲等事士大夫邀宴衆寘以此爲樂吾止袖
手旁觀而已按予拙鈍不好弄頗類塘南實無暇及此
今後生子弟專以此見能事矣

牛戒

庾樓字木叔二代不食牛會病以牛腦合藥間有餽牛
愚山先生別集卷之三 矩齋雜記 十一

肉者則以給奴僕自謂可幸無罪忽夢冕服緋衣者叱
曰汝豈食牛者耶何腥聞若是庾亟以未食對緋衣者
命從官檢簿瞑目曰汝雖未食牛然藉病破戒且以啖
童僕法當奪一紀念汝有悔心能勸得百十家不食徐
還汝算庾默念世人信戒者少設有餉以牛肉可奈何
緋衣人微哂曰瘞之土可也只愁念不堅何憂行不廣
庾驚寤特筆其事門人黎同吉字以仲亦持牛戒偶患
瘡爲所親強舉一匕夜夢少年黃姓者持劍怒詈謂瞰
伊母肉晨起詢所餉果黃牝牛肉也遂並刻之以傳戒
或謂食牛細過二子旣屢世不食因癩稱假陰遣乃爾
彼椎牛炮羔甚且甘人之肉者何以復加坐客曰黑面

老子自有處分且如彼凶人說因果不信并此鬼神警懼之夢亦自微幸不得

黎同吉又附戒云鬼神之道赫矣卽未必孜孜然日搜天下食牛者而譴之人當敬畏者以鬼神或有時而不測也夫埋狗埋馬闕其功也人藉牛力以生我反欲殺之而食其肉是何忍哉或以食與殺有異不知人皆食牛則牛如八珍未有見八珍不割而鬻諸市也人皆不食牛則牛如糞土未有取糞土割而鬻諸市也是殺與食猶挺與刃也蘇子瞻嘗書柳子厚牛賦遺瓊僧道贇以勸諭瓊人今黎生此段言極痛切可錄可觀

戒溺女

愚山先生別集

卷之三

郊齋雜記

十一

旌邑方蘭生年三十連舉五子妻舒氏復妊竊計生女必不舉兄帝卜以予溺女歌示之意猶未定娠十有三月不產夫婦駭愕帝卜又力誠曰孕逾月不下以前有溺女意故也速改前念當自免身蘭生懼始與婦誓曰卽女必舉矣言甫畢而產一女方氏館師陳子君沃手書

水東吳正字持齋人呼吳齋公得余溺女歌粘壁上其友謝士型妻當產夢一婦人云詰朝就吳齋公取一信來可免禍謝詣吳正值文學吳天示與正字講解溺女歌謝悟索一紙歸是夜生女育之吳天示手書

休寧城外有陽山寺衆捕虎於野張羅數匝虎逸入寺中見神判像如生爪之判輒倒壓虎虎不能動衆擊殺之寺碑紀其事

前輩偶失

賢士大夫亦有天理抹殺處錢惟演之下石寇萊公是也凶忍大姦亦有天理不泯處秦檜之不盡殺鄂國子孫是也韓魏公晚與富鄭公不協韓死富竟不弔亦是賢者之大過

成書之難

冊府元龜凡一千卷三十一部千一百四門門有小序譔自李維等六人而竄定於楊億其書止採六經諸史愚山先生別集

卷之三

知齋雜記

三

國語國策管安孟晏淮南呂覽韓詩外傳及修文御覽藝文類聚初學等書而西京雜記明皇雜錄等皆擯斥不錄其編修官供帳飲饌皆異常等王欽若以魏書宋書有索虜島口之號欲改去王文正公謂舊文不可改又如杜預以長歷推甲子多誤皆以誤注其下而不改帝下手詔凡悖逆之事不足爲訓者刪去之復親覽摘其舛誤手書詰問或名對指示商畧凡八年而成然開卷皆常目所見無罕觀異聞不爲藝家所重

馬乞卦

椒廟嘗乘驄馬至太和宮前忽宣平日所愛小烏其馬至御前足不肯進左右鞭之益鳴跳不馴圜人進曰此

願封官耳上曰猴子且官供奉况使小烏白身耶勅賜
龍驤將軍然後帖然就轡楓窓小牖

金龍四大王

江河水神惟金龍四大王祀最盛而莫詳其姓字按清
江浦廟碑金龍四大王者姓謝氏兄弟四人紀綱統緒
皆宋會稽處士緒最少初爲諸生隱錢塘之金龍山宋
亡日夜痛哭陰結義士圖恢復知勢去不可爲遂赴水
死題詩於石曰立志平生尙未酬莫言心事付東流淪
胥天下憑誰救一死千年恨不休其徒問曰先生之志
決矣他日以何爲驗緒曰黃河水逆流是吾報讐日也
後明太祖與蠻子海牙戰於呂梁不利忽見雲中有天
愚山先生別集 卷之三 矩齋雜記 古

將揮戈驅河逆流元兵大敗帝夜禱問其姓名夢儒生
素服前謁曰臣謝緒也憤宋祚移沉淵而死上帝憐我
忠命爲河伯今助真人破敵吾願畢矣次日封爲金龍
四大王以緒嘗居金龍山沒又葬於其地故也

烟害

一友酷嗜烟日凡百餘吸已得奇疾頭大如斗牙齦潰
膿升許穢聞列屋死而復甦

按烟始來自異域今所在成熟爲土產其毒似亦全
減

山陰張荀仲淑自言犯血下禁烟而止後偶犯則血劇
南鄉孟氏家蓄蜜傍有種烟草者蜜採其花皆立死蜜

爲之壞以是知烟之爲毒不可向邇養生家謂嚙津得
長生故活字從千口水今灼喉熏肺以毒火爲活計可
乎

義鳩

老友陳大介武揚嘗館山家見獵人銃落一鳩墜地又
一鳩來就拊視且口啣他物餉之不受又以翼水蘸其
火傷處卒不可活乃宛頸哀鳴而去有頃從樹巔下墜
觸地死蓋重傷其匹也陳引其人諫曰若中一鳩而二
鳩死鳥且死義若獨何心其人遂拆銃改業

按此與獲鹿子而鹿毋腸寸斷相類彼重母子此重
夫婦

愚山先生別集

卷之三

矩齋雜記

五

鱧報

鱧名護子魚仁人不忍食之又鱧本污泥所化養生家
亦忌食吾鄉人王計甫業釣鱧旣大感悔輟業一日破
戒是夜夢巨鱧騰嚼其首驚寤痛甚遂患疽頰上膿潰
不收而死

一富翁嗜鱧過甚從金寶圩堤值人昇鱧一筐盡買之
飽噉俄腹痛膚體奇癢搔搯百端又沃以熱湯膚爛皮
破而痒如故忽嘔吐鱧頭帶生血大駭怖明日遂殞余
友王夏九親見之

冥報

蒙陰有傭人侯邦守曾受齊古冲雇錢而通工一日侯

旣死齊忽夢侯來云完舊通奔入馬廐旦日生一駒齊
訝曰豈以連一日傭遂墮此報耶歲餘麥秋偶駕此駒
轉石治場未終日而死家人甚恐古冲笑曰彼故止連
我一日耳趨埋之

再世

濟南富人陳某以質庫爲業少嘗與戴生最善戴爲理
財無私染戴死十八年陳策馬經龍山夜夢戴言投生
萊蕪縣盧氏名俊讀書應試今十八歲矣進學必冠童
子明日當會於五里井前陳覺而異之旦過井側有童
子委頓坐地問之則就試濟南者姓氏年齒並與夢合
因以騎強載之盧疑謝遂巡而陳遇之彌厚百端贈款
愚山先生別集 卷之三 知齋雜記 六

一

犬報

榮闈山左諸生余歲試所黜者先是偶被犬驚榮遽斷
其四足犬斃久之夢天作人語曰汝殺我太毒已訴爾
冥曹先視汝衿榮驚悔無及俄遂驗云

貓報

一村農蓄貓色純黑貓傍爐火熟睡遂鎔錫汁鉗口灌
之取其皮爲冠數日後忽大呼貓鬻我喉喉舌塞不下
食而死愚按猫犬皆小畜殺之已甚遂索命况其大乎
危哉

神兆捕賊

齊更新字鼎衡令南樂城外十里有大井在閻王廟前俗呼閻王井倒沉一屍項繫石莫得其主名齊赴廟禱神曰殺人者誰願以兆示俄頃過一村猪笑出遮道齊心動曰彼兇殆朱氏也陳其屍潛遣二家僮伺之有諦視而傍皇者問之果朱氏一訊具服蓋車夫腰千錢遇害者遂抵法

愚山先生別集

卷之三

知齋雜記

七

施愚山先生別集卷之四

曾孫念曾校

矩齋雜記

黃山事

和州戴無忝遜孝性喜獨遊嘗言其遊黃山二事甚奇黃山路故幽仄一日經山下某處草木蒙雜一逕如線忽有聲如風旋縛其足乃巨蛇繞脛數匝昂首及胸戴急以手扼之蛇首滑旋扼旋脫戴故多力久相持且僛前十許步有大樹可倚以縛足不能往日暮窘甚奮躍得就樹磨蛇首穿而蛇斃然足縛轉固聞樵歸者呼救斧斷之乃解蓋山多巨蛇能束人手足飲血以死土人皆迂道避之云抵黃山文殊院連日陰晦戴欲窮其巔愚山先生別集卷之四矩齋雜記一僧固止之云俟開霽結伴往戴不能待私挈杖去里許山漸霽將至頂坐片石稍憩羣猿驟至二大猿鬚長而白若老人狀羣猿環坐老猿坐稍遠戴欲以杖驅之念猿衆路險始靜坐毋動猿漸逼有竊杖者有牽衣者戴合眼若弗知有捋鬚摩頂曳耳者卒弗動良久老猿長嘯聲若裂石羣猿應聲而散戴回及山半則寺僧以覓戴不得聚徒操械至爭質曰君幸坐未動動則爲猿困或擠墜崑石間矣

飛鏹

山陰張雛隱梧返自嶺南言順治庚子三月廣州城內白鏹晝飛高低疎密如蝗如鳥自東北去之西南率三

鏃相合作一身兩翼照耀如雪或掠簷瓦間有鉤擊以矢石長竿者雖中之輒引去終不落有武弁某以爲神不可力致率家人禱於庭一鏃翩然且下未墜地數尺急以手承之復飛去傾國貴賤騰踴愕眙者累日終莫有得之者亦不究其所歸於戲彼造物者固知人之篤好在此而故戲之耶

縊死鬼繩

吾邑斷塘陳氏婦獨居有鬼數教之縊勸說百端婦懼以白姑衆惡少聞之云若醉我酒爲若擊鬼婦如其言衆潛伏戶外約鬼來則彈指於門已而鬼果至敦迫甚急一人從後戶突入鬼踉蹌向前門衆復前掩之鬼遽愚山先生別集卷之四矩齋雜記二
仆地初按之有物漸縮小化爲一繩蜿蜒不定止餘尺許如褐色益堅持之不移手待天明視之絜不可斷斧而焚之臭聞里許怪遂絕

宵征女

吳雨蒼令東阿從淮上買妾母送至問其家世則某縉紳女孫也吳愀然憫之扃其戶而出明日將送歸夜將半母女携卧具叩門曰吾女命不猶不能薦公一夕寢如明珠一斛何言畢而泣吳竟不動爲之賦宵征篇同年劉覺岸以告予予笑曰還妾非難事而夜半叩門手抱衾裯陳詞婉變或有難於閑情者矣吳子其發情止義者耶吳名調元江寧人亦予同年嘗集古今蠶事可

述者數百條爲同善錄刻行於世

縣令難爲

相國寧公完我謝政家居嘗言門生外吏滿天下殊少通問會其孫名新祖知洛陽縣既無所歸獻又稱貸累數千金取償於公歲以爲常公始愕然曰吾十年宰相不足支爾數年縣令遂命罷歸

減肉食

江右歲漸饑會城宴會過侈嘗釀金觴兩臺費至數百金予語藩臬諸公亟宜減饌以回天怒周副使伯衡因爲言王公繼謨以進士爲霸州道清約異常所市米蔬手自正簿夫人命市肉公視簿輒抹之夫人怒誓不會愚山先生別集卷之四 知齋雜記 三
食旣數月值夫人誕日置酒肉爲壽夫人推案覆地曰吾此生不肉食矣公笑而撤之嗟乎此亦何減餽塵釜魚者乎

土穀祠

山陰紫洪山村有土穀祠一人夜宿其中有虎向神乞食諾以明日有某出樵可食之虎欣躍去其人默記姓名則同里樵人也詰旦語某戒勿出某不聽奮臂入山遇虎格殺之詣祠責神曰汝不爲民驅虎反縱虎啖我何以神爲持樵斧擊神仆地奪其位端坐而逝土人異之因祀焉其鄉至今無虎患

饒州東湖正殿曰莫草堂相傳范公仲淹守是郡長安有某大師語曰公所治有製僧今之古佛也盍禮之公至物色寺僧果有執爨而椎魯者狀頗異遽延出方丈禮拜請佛法僧但以手頰搖曰莫莫外無一語公返僧卽跏趺坐化蓋爲人所知而不留云

薦福碑

舊傳碑爲雷擊碎故坡公有運去雷轟薦福碑之句予友蔣襄仲嘗客寺中詢之僧雪山曰碑爲李北海文歐陽率更書少時聞本師與故老傳述云當日吏督搨碑工役騷然極爲僧累一夕乘大雷雨僧衆碎之詭言雷擊耳適范文正公欲爲書生摹千本其事遂傳宋謝無

愚山先生別集

卷之四

矩齋雜記

四

逸題驛壁誦有杏花村館酒旗風之句一時傳誦徃來抄錄者接踵驛吏煩苦并其壁毀之事正相類予嘗至登州蓬萊閣觀子瞻所書海市詩碑皆剝鑿非摹搨所損近在新淦求劉次莊戲魚堂刻寸石不存蓋土人苦微揚碎而沉之江也關中唐宋名碑居民取以甃橋壘壁凡天下名蹟尤物皆其地之累也楊升菴丹鉛錄載薦福碑有好古者取其碎裂合而卧樹之猶可摹印得之簡西嚳口述今皆無有

南風阜財

解慍阜財初疑與南風無涉李司馬梅公言嘗至晉鹽池有愛彈琴處人行其地鏗然如琴扁曰阜財堂其鹽

不煩煎煮和風南來則水面結如冰雪或如玉筍出來底謂之鹽根土人投以他物經宿皆化爲鹽惟人髮不變南風將發則鹽利多而人心悅然後知解慍阜財舜蓋取此

鳴榔

詩詞多用鳴榔或疑爲叩舷擊楫之說非也榔蓋船後橫木之近舵者漁人擇水深魚潛處引舟環聚各以二椎擊榔聲如急鼓節奏相應魚聞皆伏不動以器取之如俯而拾諸地饒州東湖有之吾鄉泰州湖內或擊木片長尺許虛其前後以足蹴之低昂成聲魚驚竄水草中然後罩取亦鳴榔之義

愚山先生別集

卷之四

矩齋雜記

五

義乞

吉州之安成有窶者乞而好施不知其姓名問之不答或云朱村橋人項下垂瘦行踽踽然見窶甚者出所乞與之或羞不肯受則時其急佯寄米其家終不還索有婺婦力不能樵夜昇束薪置其門而去終不以語人邨澗小橋傾壞輒編葦載土手自修治鄉人多義之然歲一乞過則不再往嘗自言其先世素封權子母錢過刻故生我作丐且有惡疾云君子聞之曰此乞人也不貪不吝力善不倦爲先世幹蠱其以乞愧人者耶

雲師雨虎

雲師如蠶長六寸似兔雨虎似蝟長七八寸似蛭雲雨

時出在石上肉甘可熟而食見衡岳志

繭誌

益都孫少宰廷銓南征紀畧有繭誌曰自縣南行七十里宿石門村其中沙石粼粼一溪屢渡山半多生榭樹林是土人之野蠶廠按野蠶成繭者人謂之上瑞今東齊山谷在在有之與家蠶等蠶月撫種出蟻蠕蠕然卽散置榭樹上榭葉初生倚倚不異柔聽其眠食食盡卽枝枝相換樹樹相移皆人力爲之彌山遍谷一望蠶叢其蠶壯大亦生而習野日日處風雨中不爲罷然亦間傷水曠畏雀啄野人飼蠶必架廬林下手把長竿逐樹按行爲之察陰陽禦鳥鼠其稔也與家蠶相先後然愚山先生別集卷之四矩齋雜記

六

其穰者春夏及秋歲凡三熟也佐繭大者二寸以來非黃非白色近乎土淺則黃壤深則赤埴墳如果羸繁實離離綴木葉間又如雉雞毳也練之取繭置瓦甗中藉以竹葉覆以麥蘆洗之用純灰之鹵藉之虞其近火而焦也覆之虞其泛而不濡也洗之灰汁柔之也厝火焉朝以逮朝夕以逮夕發覆而視之相其水火之齊拍其緒而引之或斷或續則加火焉引而不斷乃已去火而沃之而蠶之俛勿燥緝之不用纜車尺五之竿削其端爲兩角冒繭其上重以十數抽其緒而引之若出一繭然則練者工良也竿在腋間絲出指上綴橫木而疾轉之且抽且轉寸寸相續捷者日得三百尺或有間輟

曰得一二百尺或計十焉積歲乃成匹也脫機而振之
丁丁然握之如撚沙則縑善食榘名榘食椿名椿食椒
名椒繭如蠶名縑如繭名又其蠶之小者作繭堅如石
大才如指上螺在深谷叢條間不關人力樵牧過之載
臺而歸無所名之曰山繭也其縑備五善焉色不加染
黯而有章一也浣濯雖敝不易色二也日御之上者十
歲而不敗三也與韋布處不已華與統縠處不已野四
也出門不二服吉凶可從焉五也故諺曰宦者羸葛布
褐言無入不可者此亦有焉

古人儉奢有道

唐僕射柳元公家行爲士林儀表凡事不異布衣時族

愚山先生別集

卷之四

矩齋雜記

七

子應規爲水部員外郎求公爲市宅公不與潛語所親
曰應規以儒素進身始入省便坐新宅殊不若且稅居
之爲善也及水部沒公撫視孤幼特爲置居恩意加厚

李貞孝女

嘉興文學李夢康女年四歲喪母哀甚事後母孝謹父
貧困嘗紡織供父讀書禾中仕族多慕而求之女問父
曰世何謂賢婦曰善事舅姑爾女曰舍已親事他人親
非兒願也且我母早世兒願以身終養父休矣遂哭誓
不嫁有說之者輒怒絕去父嘗病女以身禱奠藥庭中
有青鳥啣一朱實墜藥鑰中服之卽愈崇禎二年六月
朔疾卒以不克終養爲痛年四十七同里史官陳懿爲

作傳贊曰予於忠孝節烈之事論之詳矣於貞女有異焉女之以節烈稱者或嫁而寡或聘而守或溺于佛而尼或儉於貌拙於才而棄女無一焉獨以孝貞嗚呼貞之異百倍節烈矣甲申中和月漳海黃道周羅其墓曰明嘉禾孝貞李氏女墓碑

魏唐遺老錢士升有序末云古今孝女代不乏人獨齊北宮女嬰兒子撤其環瑱終身不嫁以養父母史冊稱之後數千年而有李氏女之事諡曰孝貞名豈虛附耶吾聞女受生時父夢白衣大士授以玉鳳一枝則其所從來吾不得而知矣

烏夜村

愚山先生別集

卷之四

矩齋雜記

八

輿地志云海鹽縣南三里烏夜村晉何準寓居焉一夕羣烏啼噪乃生女後選入宮他日復夜啼推之乃穆帝立后之日也

冥報

泉州千戶王某夢一人告曰我張藉也今陷身爲鹿見獲虞人以餉某宦丐公救我王驚寤不省張藉爲何人旣而復夢藉懇甚哀且亟徃白宦宦不聽竟殺之嗚呼張司業其至是耶事見鼓山承覺禪師雜記夫司業以才學自雄與韓昌黎善旣貧且盲豈果文人宿孽流轉異類六七百年不脫耶抑別有張藉同名者耶今天下同名氏甚衆若泥其名則曾參果殺人矣

酷吏報

宋時廣東提舉茶鹽石端義性殘忍每捕官吏繫獄輒以石鹽木枷枷之蓋木之至重者每曰木名石鹽天生爲我用也後石坐罪亦卽荷此枷云

白集版

廬山東林太平興龍寺有白公草堂遺址白公嘗以文集留草堂後屢亡逸真宗嘗令崇文院寫校包以斑竹帙送寺建炎中又壞於兵今獨有姑蘇版一帙耳

欺心

褚誠叔嘗爲福州閩清縣尉獲盜格當得京官不忍以人死爲己利力辭不就其隣有爲他邑尉者獲盜營

愚山先生別集

卷之四 矩齋雜記

九

賞甚力卒得京官將去入郡過刑人處輒掩目大呼數日神志乃定後至他郡見通衢有石幢問此何爲從者曰法場也亦大駭叫呼幾墜車人之不可有愧於心如此

雅量

弇州艷義仍之名先往造門義仍不與相見有所評抹弇州集散置几案弇州信手繙閱掩卷而去無他言此見列朝詩集義仍傳山史王氏曰義仍過矣抑何弇州之宏也余聞弇州君子也太倉人至今稱其德不衰卽使文有不合爲義仍者當因其來而與之權然相接以徐致其切磋之誼義仍處之若此毋亦失禮甚乎予謂

牧齋欲訾弇州而適著其美而其美義仍也君子以爲猶詆也

神威

陳益修字偉如濟寧州人順治乙酉丙戌聯捷成進士知貴池縣爲諸生時剛正負氣州有關帝廟逼近回回禮拜寺回衆楊化龍等欲廢廟以拓之益修獨持不可賄以金不受回怒聚黨擗擊之無完膚刳目實以石灰投諸河夜半乃甦夢綠袍神人強嚙之酒格格有聲又藍衣神手擊其膺後血迸注目孔曰爾勿怖腦中死血必盡出乃生於是下血斗許又一老嫗授羊眼盈把覺蠕動吞之目痛遽止逾兩月雙眸復生但微斜帶碧色愚山先生別集

卷之四

矩齋雜記

十

明年夢關帝曰吾已奏上帝汝某年科第名次悉驗癸未流賊來殺回回楊化龍等十餘人亦刳目剖心云施子曰聰明正直之謂神神固無私也豈以一廟之成毀而禍福云爾哉然陳子之被災爲無妄而彼回之惡爲已盈矣神安得不赫然怒而大著其靈爽耶非私也福善禍淫之義也陳刻有奇報錄余親見其目瞳子微異而州人無二辭故信其不誣而記之若平生不務力善而徒建祠廟覬覦神佑也神其吐之矣

死士

田橫齊之豪士五百餘人皆死諸葛誕魏室一叛臣及其旣敗所養死士三百人就戮皆曰爲諸葛公死無恨

今之士大夫蒙國厚恩何啻齊卒之受恩於田橫死士之就養於諸葛哉見胡忠簡公制策

胡忠簡集

胡忠簡請斬三人頭竿之藁街王倫秦檜孫近也初吳師古鉞公此疏金人募之千金陳剛中以啟送之甚爲稱譽王廷珪亦以詩贈或告檜檜怒師古流袁州廷珪流辰州剛中謫安遠縣死焉 胡銓文集楊萬里作序言先生上書力爭至乞斬宰相在廷大驚金人聞之募其書千金三日得之君臣奪氣知中國有人奉皇太后以歸自是胡馬不南者二十年比於魯仲連之不肯帝秦三軍聞之却五十里

愚山先生別集

卷之四

杜齋雜記

十一

鄭氏

涇州葉漢章之妻鄭氏字瑜生庠士魯玉之女性潔慧能詩早卒其病中贈夫云一行詩就幾回愁持贈蕭郎仔細收他日鴛鴦雙舞處羅幃可憶舊時儔又寄父云思親何以慰愁眉賴得殷勤是古詩那更讀來淇水句含情又向碧窓啼

大羅洞

王山史宏撰大羅洞序云近世莆田林見素節鉞江右踵狄梁公故事毀淫祠土木之像蔽江而下錫山邵國寶作頌美之傳諸藝林

風漢

劉蕡楊嗣復門生也對策以直言忤中官仇士良語嗣復曰奈何以國家科第放此風漢嗣復思而答曰昔與劉蕡及第猶未風耳嗟乎孰知風漢竟不死乎

關節

元載專政納賄嬖寵姬薛瑤英怠於庶務而瑤英之父宗本兄從義與母趙媼及中書主吏卓倩等遞相出入以構賄賂天下賫寶貨求大官職無不指薛卓爲梯媒當時號爲關節

談柄

唐文宗每稱甲夜視事乙夜觀書不爾無以爲人君常延學士於內庭討論經義較量文章令宮女以下侍茶愚山先生別集卷之四炬齋雜記士湯飲饌而李訓講周易頗叶上意時方盛夏命取水玉腰帶及辟暑犀如意賜之曰如意足以與卿爲談柄也並見酉陽雜俎偶與友言及漫摘於此

奇斷合理

洪武中有隨母改嫁者繼父病割股愈之有司以孝聞上曰繼父是伊父仇人割父遺體以愈仇父是不孝也乃置之法

編纂之難

張東海集中載書陳僉憲先生墓誌後云台郡陳先生璉視學江右語學者曰永樂修大典諸書始欲詳緩爲之後被詔促成諸儒之言間有不暇精擇未免牴牾虛

心觀理當自得之不可泥也先生纂修官其言如此
宣德間章邱教諭餘姚朱應吉疏於朝言大全去取有
未當者下其議於禮部因下之天下學校許兼采諸說
一斷於理夫纂修之言如彼廷議如此蓋以萬世公論
開來學也泥者終無權度執以爲斷陋哉

選政

選政執一時之風尙定千秋之是非昔倪鴻寶寄擬程
於劉伯宗劉報曰先生之文則善矣然以孔孟之道帖
括之理揆之似尙有未安處先生文章之宗也不敢遽
傳恐誤後生而來深心遠識者之議鴻寶以爲相愛愈
重之由是伯宗聲望品行卓絕一時此當時所以有得
愚山先生別集 卷之四 矩齋雜記
科名易登選册難之說也

物異

宋仁宗好食蛤蜊一日左右方盈盤進御中有擘之不
裂者上疑其異乃焚香祝之俄頃自開中有二人形眉
端秀體質備具螺髻纓絡足履齒苜謂之菩薩上遂置
之於金粟檀香合以屑覆之賜興善寺

物異

强木方一寸重百觔不沉木也巨石縋之終不沒可對
弱水

仰山廟

廟神二龍也仲曰大分唐封廣惠公季曰七郎諱隆唐

封昭靈侯並漢文帝時人有宜春浦村人徐璠歸於維揚舟至彭蠡有兩蕭生附載順風揚帆一夕至袁顧謂璠曰予家仰山之陰石橋之右若欲雨欲暘乎璠訴曰璠無田可耕雨暘非急蕭生期會於石橋應期而往告以願得田十畝給其家俄而山水大至夷高淖下出田五頃今浦村西徐田是也璠驚駭他日再往其處則二龍在焉方悟其非人也卽仰山之神矣里人祠祀威神丕顯廟在山之獺潭唐代宗朝廣德末神感夢於太守簡公瑜曰我龍之伯仲也實姓蕭氏祠在仰山旣險且阻我其徙之將近爾郊且視之則盡拔其殿宇置於山下去舊祠一舍卽今堵田新廟是也

愚山先生別集

卷之四

知齋雜記

古

銀燭

居官舉發人私賂士大夫以見清剛然不如置却不言之爲愈也楊震尙矣明天順間豐慶爲河南布政使按部行縣縣令某墨吏也聞慶至恐飾曰銀爲燭以獻慶初未之覺也旣而執燭者以告慶佯曰試焚之曰焚而不能燃也慶笑曰不能燃烏用燭爲貯以故筐明日盡還之顧謂令曰汝燭不燃易可燃者自今慎勿復爾令出益大恐輒解印綬去慶亦終不以銀燭事語人

摘句圖

新城王士貞阮亭氏輯錄

予讀施愚山侍讀五言詩愛其溫柔敦厚一唱三嘆有
風人之旨其章法之妙如天衣無縫如園客獨爾約畧
舉之若別緒不可理酒盡暮江頭人日月初晴朔風一
夜至月明無遠近倚枕不能寐數篇是也至於清詞麗
句疊見層出予嘗欲仿主客圖之例摘其尤者刻以爲
圖與康樂池塘生春草元暉澄江淨如練仲言露濕寒
塘草月映清淮流并資藝苑談助或詰予曰論詩固可
摘裂如此耶予曰謝公與子弟論毛詩何句最佳或舉
楊柳依依雨雪霏霏公謂不如許謨定命遠猶辰告爲
愚山先生別集卷之四摘句圖附 五

圖

盡日孤雲在青松滿院寒 山月長清夜江雲無盡時

花亞巖中樹烟橫溪上村 到門聞午磬繞屋過寒泉

人烟梅市白山色剡溪深 片雨前峰過高松獨鶴還

江路多春雨山村易夕陽 野橋沙際滑山塢雪中深

泉聞深樹裏山響亂流聞 共看船上月正照城頭山

松火圍寒坐溪窓聞夜漁 夕陽沉積鷲空翠辨前山

明月來天柱長江入縣樓 鶯聲花嶼暖龍氣雨潭腥

水綠澄湘浦天青入洞庭 山榭連馬樞官舍奪僧居

清泉逢谷口老樹識山家 不辨翠微色秋山紅葉重

江城連夜雨山館獨吟身
柳葉藏淵寺梅花雜吏人

明月非霜色滿城生夜涼
春光門外水夕梵雨中燈

黃葉連江下孤帆冒雨歸
野戍風中角江梅雪後花

雨色江城暮灘聲野寺秋
谷雲團小閣松露響寒宵

亂山成野戍黃葉自江村
波平嶽麓寺天入洞庭舡

雲樹分曦早江村出露遲
雲氣涼依水鶴聲清滿林

湖影涵官閣泉聲滿郡樓
縣門流水對城堞半山啣

孤城春水岸歸鳥夕陽村
樹葉春藏寺溪聲夜滿樓

臺迥收山郭江清送酒杯
浦絕義魚艇人荒種蛤田

城郭千檣外汀洲片雨中
蘆渚起寒燒楓林明翠微

風起帆爭郭漁歸浦掛罾
看雲孤閣暮聽雨萬峰秋

愚山先生別集 卷之四 摘句圖附

六

孤村流水在盡日白雲閒
江帆連雉堞烟樹暖漁村

江橋紅樹外山郭夕嵐邊
板橋三渡水楓柏一林霜

溪藤翻翡翠漁艇喚鷓鴣
雲來見滄海雪淨聞清鐘

樹暗江城雨天青吳楚山
野水合諸澗桃花成一村

綠水通村港黃魚出板橋
高柳不藏閣流鶯解就人

片石此天地荒祠自古今
欲問垂綸意桐江秋水深

飛瀑林中雨斜陽山半晴
翠屏橫少室明月正中峰

清磬晝長寂片雲晴自深
烟寺初佻柳江城半落花

芰蔓沒丹竈天風來嶽雲
竹色翠連屋林香清滿山

寒雲終日住秋色一山歸
潭烟依檻集山色渡溪來

露將松影白泉與磬聲寒
蘼花經雨盡沙鳥過江飛

果落跳松鼠萍開過水禽 家傳殉國劍身老釣魚磯
風流滿江漢祇覺侶君稀 村徑半牛跡山田多水聲
亭空木葉下風緩浦雲留 暮烟隨野闊山翠入江明
松雨連山響江雲入寺來 暮雀依寒竹仙猿下雪松
翠合江天色愁連今古情 踈鐘夕陽外平田春水西
水氣垂天闊濤聲裂地穿 月照竹林早露從衣袂生
影孤彭蠡雁路繞洞庭波 生徭安鼠穴猛虎襟人羣
人老三秋後舟臨十八灘 風笛荷花外漁燈葦葉間
山勢龜蛇鬪江流沔漢分 驚濤自風雨樹杪復重泉
鶯嶺橫天碧龍湫到海深 微雨洗山月白雲生客衣
予嘗以暇日撰感舊山木二集所錄愚山詩爲多意猶
愚山先生別集

卷之四 摘句圖附

七

未盡因別取五言近體爲摘句圖傳諸好事者士貞識



